

Тропарь и кондак Собору Вятских святых
22 октября 2015 г. 21:15

Тексты тропаря и кондака Собору Вятских святых утверждены на заседании Священного Синода 22 октября 2015 года ([журнал № 81](#)).

Тропарь и кондак Собору Вятских святых

Месяца октября в 8-й день

Собор Вятских святых

Тропарь, глас 8:

Яко образы добродетелей/ и молитвы плод богодарованный/ земля Вятская приносит Ти, Господи Боже наш,/ вся святых в той поживших и просиявших,/ тех молитвами и предстательством Богородицы/ соблюди ненаветно отечество наше.

Кондак, глас 3:

Днесь земля Вятская ликует,/ прославляющи вся зде Богу угодивших,/ тии бо ныне предстоят в Церкви/ и со всеми святыми за ны молятся Вышнему,/ даровати нам велия милости.

Молитва

О, всеблаженнии и богомудрии угодницы Божии подвиги своими землю Вятскую освятивши и телеса своя в ней оставльшии, душами же своими Престолу Божию предстоящи и непрестанно о ней молящиися! Се ныне в день общаго торжества мы, грешнии, меньшая братия ваша, дерзаем приносить вам сие хвалебное пение. Величаем ваши подвиги, ублажаем святое житие, прославляем дивная чудеса и восхваляем богоподражательную

любовь. О, сродницы наши, от дней Трифона преподобного, архимандрита Вятскаго, до последних времен подвизавшаяся и просиявшая! Помяните немощь нашу и испросите у Христа Бога милости, да и мы, преплывше житейскую пучину и невредимо соблюдше сокровище веры, в пристанище вечнаго спасения достигнем и в блаженных обителях Горняго Отечества вкупе с вами и со всеми святыми водворимся благодатию и человеколюбием Спасителя нашего Господа Иисуса Христа, Ему же со Превечным Отцем и Пресвятым Духом подобает непрестанное славословие и поклонение от всех во веки веков. Аминь.